

Qishloq hayoti

O'ZBEKISTON RESPUBLIKASI IJTIMOY-IQTISODIY GAZETASI

1974-yil 1-yanvardan chiqqa boshlagan

2024-yil 26-dekabr, payshanba

№ 52 (9320)

e-mail: infoqishloqhayoti@yandex.ru

@Qishloqhayoti_gazetasi

АСАЛ TUTTAN ИНСОН БАРМОҒИНИ ЯЛАЙДИ

Асалари етти хазинанинг бири. Асал, мум, гул чанги, асалари захри ва елими ғоятда қимматбаҳо ва ноёб хомашёдир. Асалнинг шифобахшлигини бугунги кунда тан олмайдиган одам бўлмаса керак. Ахир, бундан минг йил илгарийек, улуғ бобокалонимиз Абу Али ибн Сино ўзининг "Тиб қонунлари" асарига асалнинг "Минг дардга даво" сифатида, асалдан мингга яқин шифобахш муолажаларни ёзиб қолдирган. Олимларнинг тасдиқлашича, асал таркибида 70 дан орტიқ фойдали моддалар бор.



Ўтган асрнинг етти-сикк йилларида, Республика Асаларичилик бошқармаси эндиgina шакл-

ланаётган даврда мен шу бошқармада катта зоотехник бўлиб бир неча йиллар ишлаган эдим. Сўнг давр тақозоси билан Бухородаги асаларичилик хўжалиklarining

бирига раҳбар бўлдим. Оллоҳга минг шукрим, мана шу давргача асаларичиликни ҳеч тарк этмадим. Ҳозир ҳам Чорвачилик ва паррандачилик илмий-тадқиқот институтида

асаларичилик бўлими мудир си-фатида ишлаб келмоқдаман. Институт қармоғидаги асаларилардан олинган тоза асални шогирдларим билан халқимиз дастурхонига етказиб бермоқдамиз.

Асалари оиласини озроқ шакар билан ҳам боқса бўлади. Бунинг учун кузда, қишлоқ учун белгиланган озуқа сифатида шакар асал ва асални тўлиқ ва ҳатто ортигича қолдириш мақсадга мувофиқдир. Бундай қишлоқдан чиққан асалари оиласи баҳорда жуда сермаҳсул бўлиб, тез ривожланиб кетади. Ўзбекистон шароитида асалари оиласининг қишлоқи учун озуқага белгиланган асални 16-17 килограмм қолдириш барча йўриқномаларда қайд этиб ўтилган ва булар кўп йиллик тажрибаларда ҳам исботланган, акс ҳолда, қишда озукасиз қолган оилалар очликдан нобуд бўлиши мумкин. 1990 йилда республиканинг "Асаларичилик" уюшмаси тасарруфидаги хўжалиklarida 160 мингдан ортиқ асалари оиласи мавжуд бўлган, ҳозирги кунда эса уларнинг сони 1,5 млн дан ошди. Асал ишлаб чиқариш ҳажми йил сайин ошиб, унинг салмоғи 30 минг тоннага етди.

(Давоми 2-саҳифада)



VAZIR PAXTA-TO'QIMACHILIK KLASTERLARI RAHBARLARI BILAN UCHRASHUV O'TKAZDI

Kecha qishloq xo'jaligi vaziri Ibrohim Abdulrahmonov paxta-to'qimachilik klasterlari rahbarlari bilan uchrashuv o'tkazdi. Uchrashuvda paxta to'qimachilik klasterlarining ish uslubi, qishloq xo'jaligi va ishlab chiqarish subyektlarida erishilayotgan natijalar, jamoalar moddiy manfaatdorligini ta'minlashda amalga oshirilayotgan oqilona ish tuzumi borasida muhokamalar olib borildi.

Vazir uchrashuv davomida bugungi davr ishbilarmon tabaq vakillari zimmasida turgan muhim vazifalar, davlatimiz rahbari tomonidan biznes vakillariga yaratib berilayotgan imtiyoz va imkoniyatlar, yurtdoshlarimiz moddiy manfaatdorligini ta'minlash yo'lida ro'yobga chiqarilayotgan istiqbolli loyihalar xususida fikr-mulohazalarini bildirdi. Shuningdek, har bir tadbirkor bugun xalqimiz turmushi farovonligi yo'lida bor kuch va imkoniyatini ishga solishi kerakligini ta'kidlab o'tdi.

Bundan tashqari paxta-to'qimachilik klasterlari faoliyat olib borishda ilmiy-tadqiqot institutlari, xususan olimlar jamoasi bilan o'zaro hamkorlik aloqalarini yo'lga qo'yish kerakligi, bu orqali faqat natijalar emas, balki sifat ko'rsatkichlari ham birmuncha oshishi aytib o'tildi.

Muloqot davomida vazir klaster rahbarlariga 2025-yildan boshlab paxta yetishtirishda yangi 76 sxemani joriy etish borasida to'xtalib o'tdi. Bu sxema bir gektar yerga 240 ming ko'chat ekish imkonini berib, hosildorlikni sezilarli darajada oshirishi mumkinligini ta'kidlab o'tildi. Shuningdek, har bir yer uchastkasining o'ziga xos xususiyatlarini inobatga olinib, ekish va parvarishlash jarayonlarini ilmiy asosda, standartlashgan hamda tajribaga asoslangan holda rejalashtirish maqsadli ravishda amalga oshirilishi ham aytildi.

Uchrashuv yakunida klaster rahbarlari soha oldida turgan muammo hamda masalalar yuzasidan o'z fikr va takliflarini bildirib o'tdi. Vazir o'z navbatida, fermer hamda klasterning o'zaro kooperatsiya asosida ishlashi, natija olib kelishini ta'kidlab ekan, bugungi kunda texnikasi bor klaster aynan fermerlarga o'z xizmatlarini ko'rsatish orqali o'zaro manfaatli shartnomalar asosida bir birini qo'llash joziligini ta'kidlab o'tdi.

Binobarin, kimda qanday ehtiyoj bo'lsa, ularning bar-chasini joyida hal qilgan holda barcha tashkiliy ishlarni uyushqoqlik bilan, izchillikda amalga oshirish maqsadga muvofiq qayd etildi.

Albatta, paxtachilik mamlakatimizda yetakchi tarmoqlardan biri hisoblanadi. Klaster tizimi yo'lga qo'yilgan ham nafaqat hosildorlikning oshishiga, balki tolaning hammasini o'zimizda qayta ishlash imkoniyatini yaratadi.

O'zbekiston Respublikasi Qishloq xo'jaligi vazirligi axborot xizmati

ХОРАЗМ ВИЛОЯТИ


ХАЛҚ ДАРДИГА ДАРМОН ҲАМШИРА

Соғлиғимиз посбони, халқ дарди билан яқдил, дардмандга қанот бўлиб иш юритадиган тиббиёт ходимлар ҳамшира эл ардоғида.

Уларсиз ҳаётимизни тасаввур қилиш қийин.

Ҳамширалар чин маънода нажот фаришталари ҳисобланади. Доимо ширин сўз тилидан тушмайдиған, касалларга кулиб, меҳр улашадиган ҳамширалар бугунги куннинг ҳақиқий қаҳрамонларидир. Лавҳамиз қаҳрамони Гулбаҳор Болтаева ҳам ана шундай олийҳиммат, юксак жасоратли ҳамширалардан бири. У 1975 йил 30 мартда Шовот тумани Янгиобод маҳалласида, зиёли оилада туғилган. Ўрта мактабни тугатгач, Хива тиббиёт техникумига ўқишга кирган. Соҳага қизиқиши ва талабчанлиги туфайли техникумни аъло баҳоларга тугатиб, Шовот тумани тиббиёт бирлашмасига ҳамшира бўлиб ишга кирган. Қарийиб ўттиз йилдан буён тиббиёт бирлашмасида фаолият олиб бориб, юзга яқин шогирдлар чиқарган.

— Ёшлигимдан шу касбга қизиққанман, бу машаққатли касбни танлашимда онажонимнинг ўрни катта, — дейди Гулбаҳор Болтаева. — Онам кўп бетоб бўлардилар. Унга укол қилишга



ҳамшира топишга жудаям қийналардик. Маҳалламизда эса битта ҳамшира бор эди. Кечки пайтлари қон босимлари ошиб кетарди... Шу вақтлари мен илк бор ҳамшира Сапоргул опадан қон босимини ўлчашни ўрганганман. Кейинчалик укол қилишни ҳам ўрганиб олдим ва тиббиёт техникумида касбимни янада пухта эгалладим. Гулбаҳор опани тиришқоқ, ширин-

сўз ҳамшира сифатида барча бирдек ҳурмат қилади. Унинг фаолиятидан ҳар қанча ўрнарқ олса, арзийди. Гулбаҳор Болтаеванинг келгусидаги ишларига омадлар тилаб қоламиз. Нажот фариштаси, эл соғлиғининг посбони бўлишига малака, маҳорат ҳамроҳ бўлаверсин!

Асадбек ЮСУФБОЕВ, ЎЗЖОКУ талабаси.



НАВОЙ ВИЛОЯТИ

КЎЗДА TUTILGAN ISHLAR MUVAFFAQIYATLI BAJARILMOQDA

Жорий йилда мамлакатимизда, шу жумладан, Навоий вилоятида ҳам ирригация ва мелиорация соҳаларида кенг қўламли

зиملари ҳавза бошқармаси бошлиғининг биринчи ўринбосари Адхам Фаттоев. — Шунингдек, 9 та суғориш қудуғи,



ишлар амалга оширилди. Жорий йилда ирригация ва мелиорация объектиларида 11,7 километр узунликдаги канал, бир донна сув тўсувчи иншоот, 0,5 км. босимли қувурлар ҳамда 10 донна тик қудуқни қуриш ва реконструкция қилиш режалаштирилиб, ушбу ишларга 30 563 миллион сўм маблағ сарфланиши белгиланган.

— Бугунги кунда 25 053,5 миллион сўм маблағ ҳисобига 12,2 километр узунликдаги канал объектилари қурилиш ишлари якунланди, — дейди Қуйи Зарафшон ирригация ти-

насос станциясининг 0,5 км. узунликдаги босимли қувури ва Кармана тумани Ҳазора ҳудудидagi Ҳазора каналнинг сув олиш қобилятини ошириш учун Зарафшон дарёсига сунъий тўсиқ иншооти қуриш, реконструкция ишлари амалга оширилмоқда.

Вилоятдаги мавжуд мелиоратив объектларда ҳам жорий йилда қилиниши кўзда тутилган ишлар муваффақиятли уддаланди ва бу борадаги ишлар давом этмоқда.

Ориф ЖУМАНОВ, "Qishloq hayoti" мухбири.

ЎЗБЕКИСТОН ҚУРОЛЛИ КУЧЛАРИ:

33 ЙИЛЛИК ШАРАФЛИ ТАРИХГА БИР НАЗАР

2025 йил 14 январь куни Ўзбекистон Республикаси Қуролли Кучлари ташкил этилганининг 33 йиллиги кенг нишонланади.

Қуролли Кучларимиз бугунги кунда нафақат юртимиз тинчлиги ва осойишталигининг таянчи, балки ўзбек халқи ватанпарварлиги, бирлиги ва қудратининг ҳақиқий рамзига айланди.

Ўзбекистонда мустақилликнинг илк кунлариданоқ замонавий талабларга жавоб бера оладиган, профессионал, ҳаракатчан ва юқори самарали армия яратишга киришилди. Мудофаа қобилятини мустаҳкамлаш ва Қуролли Кучларни модернизация қилиш борасида олиб борилган ишлар, тинимсиз изланишлар туфайли мамлакатимизда замон талаблари даражасидаги кучли армия ташкил этилишига эришилди. Айни пайтда бу армия фақат Ватан


чегараларини ҳимоя қилиш билан чекланиб қолмасдан, келажак авлод учун матонат ва фидойилик намунаси бўлиб хизмат қилмоқда.

Бугун ортга назар ташлар эканмиз, армиямиз 33 йил давомида мураккаб, аммо шарафли йўлни босиб ўтганига амин бўламиз.

Ўзбекистон Республикаси Президенти Шавкат Мирзиёев ўз нутқларининг бирида шундай деган эди: "Албатта, Қуролли Кучларимизнинг шаклланиш жараёни дунёда ва минтақамизда мураккаб ҳарбий-сиёсий вазият ҳукм сурган даврга тўғри келди.

(Давоми 2-саҳифада)





Ҳаётнинг ҳар бир даври ўзига яраша муаммолар ва имкониятлар билан тўла. XXI асрда биз рақамли технологияларнинг тез ривожланиши гувоҳи бўляпмиз.

Бу ривожланиш бизга кўплаб имкониятларни тақдим этса-да, айти пайтда бир қатор муаммоларни ҳам келтириб чиқармоқда. Улардан бири – телефонга қарам авлод муаммоси. Бу ҳозирда кенг тарқалган муаммо. Ёш авлод, айниқса, телефонга қарам бўлиб қолган. Уларнинг кўп вақти телефонда ўтади. Улар телефонда ўйин ўйнашади, ижтимоий тармоқларда вақт ўтказишади, видеолар томоша қилишади. Кўчада, жамоат жойида, таксида, маънавий-маърифий тадбирларда, ҳаттоки тўй-тантаналарда ҳам 90 фоиз одамларнинг қўлида телефон, онгу шуурини телефон эгаллаб олган. Телефонга муккасидан кетган инсон атроф-муҳитни унутиб, ўша виртуал оламга кириб кетади. Энг ачинарлиси, катталар гўдакларни ҳам телефон билан овутишмоқда.

Телефонга қарамликнинг салбий оқибатлари кўп:

– Ижтимоий муносабатларнинг сусайиши: телефонга қарам бўлиб қолган ёшлар оила аъзолари, дўстлари билан камроқ вақт ўтказишади. Уларнинг реал ҳаётда мулоқот қилиш қобилияти сусайиб боради.

– Соғлиққа салбий таъсир: телефонга

қарамлик кўзларнинг чарчаши, бош оғриғи, уйқусизлик, руҳий касалликлар каби салбий оқибатларга олиб келиши мумкин.

– Ўқишга салбий таъсир: телефонга қарам бўлиб қолган ўқувчилар ўқишга камроқ вақт ажратадилар. Уларнинг диққат-эътибори телефонга қаратилган бўлади.



Саодат ҚУРБОНОВА

– Ҳаётдан маза қилиш қобилиятининг сусайиши: телефонга қарам бўлиб қолган ёшлар реал ҳаётдаги гўзалликларни кўриш, ҳис қилиш, маза қилиш имкониятидан маҳрум бўлишади.

Телефонга қарамликдан қутулиш учун нима қилиш керак?

– Вақтни бошқариш: телефонга ажратилган вақтни чеклаш, ўқиш, спорт, санъат, оила аъзолари билан мулоқот қилишга вақт ажратиш керак.

– Телефондан узоқлашиш: телефондан узоқлашиш, табиат билан яқинроқ мулоқот қилиш, китоб ўқиш, спорт билан шугулланиш, оила аъзолари билан вақт ўтказиш керак.

– Телефондан фойдаланиш маданиятини шакллантириш: телефондан фойдаланиш маданиятини шакллантириш, телефонга қарам бўлиб қолмаслик, унинг салбий оқибатларидан огоҳ бўлиш керак.

Телефонга қарамлик – мураккаб муаммо. Уни ҳал қилиш учун ҳар биримиз ўз ҳиссамизни қўшишимиз керак. Телефонга қарам бўлиб қолмаслик, унинг салбий оқибатларидан огоҳ бўлиш, реал ҳаётдаги гўзалликларни кўриш, ҳис қилиш керак.

SHOSHILING !!!

Kaltsiy va magniy mikroelementli

AMMIAKLI SELITRA

Birja savdolarida.

Mahsulot sertifikatlangan
№ UZ. SMT.01.080.64398163
GOST 2-2013

Manzil: Toshkent viloyati Chirchiq shahri Toshkent ko'chasi 2-uy.

Tel: +998 (7071) 6-25-20, 6-34-40, 9-36-08.
Faks: +998 (7071) 6-40-79, 6-55-46, 6-45-57.

info@maxam-chirchiq.uz
www.maxam-chirchiq.uz

Қутлов

Biznesni Rivojlantirish Banki

2025

● Yangi yilingiz muborak bo'lsin! ●

BRB ilovasida 10 million so'mgacha KOMISSIYASIZ o'tkazmalar

Переводы БЕЗ КОМИССИИ до 10 млн сум в приложении BRB

1254

www.brb.uz

Qishloq hayoti

МУАССИСЛАР:
Ўзбекистон Республикаси
Вазирлар Маҳкамаси комплекс таркибдаги
ҳамда бошқа дахлдор вазирлик ва идоралар.

Бош муҳаррир: **Чори ЛАТИПОВ**
Таҳрир хайъати:
Иброҳим АБДУРАҲМОНОВ, Шавкат ҲАМРОЕВ,
Ақтам ХАЙТОВ, Маҳмуд ТОИР,
Ҳабиб ТЕМИРОВ (бош муҳаррир ўринбосари),
Раимқул СУЯРОВ (бош муҳаррир ўринбосари).

Ўзбекистон Матбуот ва ахборот агентлиги томонидан 2009 йил 13 февралда № 0020-рақам билан рўйхатдан ўтказилган.
Ҳажми 2 босма табоқ. Офсет усулида босилди, қоғоз бичими А-2. НАШР ИНДЕКСИ – 144. Буюртма Г-1217. 1020 нусxada чоп этилди.
Газета таҳририят компьютер марказида терилди ва сақифланди.
Таҳририят манзили: Ташкент вилояти Қўрай тумани, Университет кўчаси, 2-уй. Телефонлар: 95-080-43-70, 99-050-69-45.
Реклама ва эълонлар – (998 90) 317-19-16. e-mail: info@qishloqhayoti@mail.ru Баҳоли келишилган нархда.
Газета "Шарк" нашриёт-матбаа акциядорлик компанияси босмаҳонасида босилди.
Босмаҳона манзили: "Буюк Турон" кўчаси, 41-уй. 1 2 3 4 5 6



ISSN 2020-7023
Босишга топшириш вақти: 21.00
Босишга топширилди: 19.00